

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipality major

PRAVILNIK

O USLOVIMA I NAČINU OSTVARIVANJA PRAVA NA DODJELU PLASTENIKA U PROJEKTU „EKONOMSKO OSNAŽIVANJE SOCIJALNO I MATERIJALNO UGROŽENIH OSOBA I MLADIH OSOBA KROZ PROIZVODNJU POVRĆA U PLASTENICIMA“ ZA 2019. GODINU

Breza, juli 2019.

Na osnovu Sporazuma o saradnji potpisanog od strane Humanitarne organizacije Muslim Aid Sarajevo (u daljem tekstu MAID) i Općine Breza (u daljem tekstu Općina) broj 01/2-05-371/19 od 18.02.2019. godine, u cilju realizacije projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“, na području općine Breza, Općinski načelnik donosi

PRAVILNIK

O USLOVIMA I NAČINU OSTVARIVANJA PRAVA NA DODJELU PLASTENIKA U PROJEKTU „EKONOMSKO OSNAŽIVANJE SOCIJALNO I MATERIJALNO UGROŽENIH OSOBA I MLADIH OSOBA KROZ PROIZVODNJU POVRĆA U PLASTENICIMA“ NA PODRUČJU OPĆINE BREZA

I - OSNOVNE ODREDBE

Član 1.

Ovim Pravilnikom utvrđuju se način finansiranja, uslovi, kriteri i postupak za ostvarivanje prava na dodjelu plastenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza..

Član 2.

Projektom „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza, se finansira nabavka 20 plastenika površine 100 m², sistem za navodnjavanje, sadni/sjemenski materijal i prateća oprema na slijedeći način:

- 40% troškova obezbjeđuje MAID,
- 40% troškova obezbjeđuje Općina,
- 20% troškova obezbjeđuje korisnik.

II - PRAVA UČEŠĆA I USLOVI ZA DODJELU PLASTENIKA

Član 3.

Pravo na učešće u Projektu imaju socijalno i materijalno ugrožene osobe i mlade osobe sa područja općine koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju, s tim da moraju sa njima sklopiti Ugovor o zakupu ili Ugovor o korišćenju.

Član 4.

Podnosioci zahtjeva treba da ispunjavaju slijedeće uslove:

1. Da je nezaposlena osoba ili osoba sa minimalnim primanjima,
2. Da je upisan u Registar poljoprivrednih gazdinstava i klijenata i izvršio ažuriranje podataka za 2019. godinu ili dostaviti ovjerenu izjavu da će se upisati u Registar poljoprivrednih gazdinstava i klijenata prije dodjele plastenika,
3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju, a koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja plastenika,
5. Da sufinansira 20 % od nabavne cijene plastenika sa pratećom opremom (497,00 KM),
6. Da obavezno prisustvuje edukaciji iz oblasti plasteničke proizvodnje u trajanju od dva dana.

Član 5.

Služba za privredu Općine je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Član 6.

Kriteriji za bodovanje podnosioca zahtjeva:

a) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta), boduje se sa 1-3 boda, i to:

- slabi uslovi (veliki nagib, udaljenost od kuće više od 200 m) ----- 1 bod

- dobri uslovi (relativno veliki nagib, udaljenost od kuće do 100 m) ----- 2 boda

- jako dobri uslovi (blagi nagib, blizu kuće, dobar pristup) ----- 3 boda

b) dodatni bodovi po osnovu pripadnosti jednoj od dolje navedenih kategorija:

- podnosilac zahtjeva nezaposlen (vrijeme provedeno na birou za zapošljavanje), od 1-4 boda:

- od 0-3 god. ----- 1 bod,
- od 3-6 god. ----- 2 boda,
- od 6-10 god. ----- 3 boda,
- više od 10 god. ----- 4 boda,
- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje ----- 1 bod
- za svakog izdržavanog člana porodice (nezaposlene osobe koje se nalaze na evidenciji nezaposlenih osoba na Birou za zapošljavanje, djeca, učenici i sl.) ----- 1 bod

- mlade osobe životne starosti do 35 godina ----- 5 bodova
- ako je podnosilac zahtjeva samohrani roditelj ----- 2 boda
- socijalni aspekt:
 - socijalni aspekt – nema primanja -6 bodova
 - socijalni aspekt – minimalna primanja po članu domaćinstva do 100,00 KM -5 bodova
 - socijalni aspekt – minimalna primanja po članu domaćinstva do 200,00 KM -4 bodova,
 - socijalni aspekt – minimalna primanja po članu domaćinstva do 250,00 KM - 3 boda,
 - socijalni aspekt – minimalna primanja po članu domaćinstva do 300,00 KM - 2 boda,
 - socijalni aspekt – primanja po članu domaćinstva veća od 300,00 KM - 0 bodova
- - utvrđeno stanje na terenu ----- 0-4 boda

U slučaju da kandidati pri bodovanju imaju isti broj bodova, prednost će imati kandidat koji ima status mlade osobe i osobe koja u svome vlasništvu ne posjeduje platenik.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

IV - POTREBNA DOKUMENTACIJA

Član 7.

Potrebna dokumentacija za dodjelu platenika:

1. Obrazac za prijavu na Javni poziv
2. CIPS prijavnica podnosioca zahtjeva – original ili ovjerena kopija,
3. Ovjerena kopija lične karte,
4. Ovjerena kućna lista,
5. Dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik ili potvrda da osoba nije poreski obveznik,
6. Dokaz o nezaposlenosti svih punoljetnih članova porodice izdat od Biroa za zapošljavanje,
7. Potvrde iz škole/fakulteta za djecu/izdržavane članove domaćinstva,
8. Potvrda o visini primanja zaposlenih članova domaćinstva,
9. Potvrda o vlasništvu ili posjedu nad parcelom (kopija ZK izvodka ili Posjedovnog lista kao i Ugovora o zakupu
10. Ovjerena izjava da ne posjedujem platenik veći od 150 m² u svom vlasništvu,

11. Ovjerena izjava da će korisnik podsticaja dobijeni platenik zadržati u vlasništvu najmanje 3 godine od potpisivanja Ugovora,

12. Ovjerena izjava da podnosilac zahtjeva u posljednjih 3 godine nije ostvario pravo na donaciju, dodjelu ili sufinansiranje nabavke platenika od općine, ministarstva, humanitarnih i drugih organizacija,

13. Ovjerena izjava da će sufinansirati 20% od nabavne cijene platenika sa pratećom opremom (497,00 KM), te da će obavezno prisustvovati edukaciji iz oblasti plateničke proizvodnje u trajanju od dva dana,

14. Dokaz da je samohrani roditelj (ovjerena kućna lista),

15. Potvrda o upisu u Registar poljoprivrednih gazdinstava i klijenata (fizička lica) izdate od strane općinske službe u 2019. godini.

V - POSTUPAK ODABIRA KORISNIKA

Član 8.

Općina objavljuje Javni poziv za predaju zahtjeva za dodjelu platenika.

Javni poziv sadrži uslove i kriterije koje kandidat mora ispunjavati, potrebnu dokumentaciju i rok za podnošenje zahtjeva.

Izbor kandidata za dodjelu platenika vrši se na osnovu pristiglih prijava na Javni poziv.

Član 9.

Komisiju za odabir krajnjih korisnika za dodjelu platenika sa pratećom opremom putem sufinansiranja u saradnji sa humanitarnom organizacijom čine tri člana: predstavnik organizacije MAID – 1 član, predstavnici Općine – 2 člana.

Zadatak Komisije je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Općinskom načelniku.

Član 10.

Saglasnost na predloženu rang listu kandidata daje Općinski načelnik.

Rang lista odabranih kandidata se objavljuje na oglasnoj tabli Općine i službenoj web stranici Općine.

Član 11.

Izabrani kandidati potpisuju tripartitni Ugovor o dodjeli platenika, kojim će biti regulisana sva dalja međusobna prava i obaveze.

Član 12.

Pravilnik stupa na snagu danom donošenja.

Općinski načelnik

Breza, 22.07.2019. godine

Munib A. Zaimović